



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XXV. De Exceptionibus.

---

[urn:nbn:de:hbz:466:1-63440](#)

nem sententiæ ex juramento Judiciali latæ, dum subjungit: quodsi alias inter ipsos jurejurando tractatum sit negotium, non conceditur eandem causam retractare. Hæc de juramento decisoriis; nunc de æstimatorio litis.

**I**I Dico 8. *Juramentum in litem* soli Actori deferi potest, & quidem, si est juramentum affectionis, à solo Judice, ac tantum propter commaciam vel dolum Adversarii, rem restituere vel exhibere non valentis, item in causis tantum rebus, vel personalibus directis bonæ fidei: si vero sit juramentum veritatis, etiam à Reo defensore potest Actori, quando Reus non amplius potest restituere rem; item locum habet in actionibus etiam personalibus stricti Juris, & licet Reus nec dolum, imò nec culpam commiserit. Sumuntur hæc ex l. 1. seqq. ff. de in litem jurando. Sed nondum, quod juramentum affectionis possit præcedere taxationem Judicis, & eam subsequi: juramentum autem veritatis, seu de veritate & interesse, necessariò præcedat taxatio Judicis ob periculum perjurii; nam priùs taxat Judex rem, damnum, expensas, interesse &c. dein Actor juriat, ea tanti valere: & tum Reus secundum hanc æstimationem juratam condemnatur. *Auth. Proclus* *jusjurandum C. de Judic.*

## TITULUS XXV.

### *De Exceptionibus.*

#### SUMMARIUM.

I. 2. *Quid, & quotuplex sit Exceptio.*

3. *Plur.*

3. Plures exceptiones, etiam diversæ, possunt opponi simul, & successive.
4. Quomodo Reus excipiendo fiat Actor.
5. Quando Exceptiones Dilatorias,
6. Et quando Peremptorias oporteat proponere.
7. An omissas in prima Instantia liceat opponere in secunda.

**S**icut probationes sunt arma Actoris, ita exceptiones sunt clypeus Rei, quo se defendat. Exceptio, Einwendung: Schutz oder Gegenwöhr: in genere sumitur pro defensione, hic autem accipitur pro omni defensione in Judicio contra Actorem, & in l. 2. ff. b. t. dicitur *exclusio actionis*; quia verò subinde Actor convenit Reum, licet actionem non habeat, ut si Titius te conveniat ex empto, emptio tamen non præcessit, vel te conveniat super re, quam tu jam præscripsisti &c. ideo melius definitur exceptio sic: est *exclusio actionis, vel intentionis, quam Actor deducit in Judicium ad condemnationem Rei*. Si Actori competit quidem actio de Jure, ex qua tamen iniquum esset condemnare Reum, vocatur *exceptio Juris*, qualis est exceptio metūs, dolī, jurisjurandi &c. si non competit actio, & tamen agit, est & dicitur *exceptio Facti*. Si exceptioni aliquid opponat Actor, hæc oppositio vocatur *Replicatio*: responsio, quam ad Replicacionem dat Reus, dicitur *Duplicatio*: & quam reddit ad hanc Actor, *Triplicatio*: si hanc rursus refellat Reus, erit *Quadruplicatio* &c. Ultra Quadruplicacionem in plerisque tribunalibus non si-

Ii 5

muni-

nuntur Partes progredi, nisi adsint gravissime causæ: in audiensiis verbalibus, & causis Summariis concludi solet per Duplicationem: de Jure Bavarico tit. 7. a. 1. & tit. 8. a. 7. *Summarischen Process*. quælibet Pars duabus vel ad summum tribus scriptionibus concludit. Practici appellant *Replicam*, *Duplicam*, *Triplacan*, *Quadruplicam* &c.

2 Sicut Actio, ita & Exceptio alia est Realiæ, quæ cohæret rei vel causæ, & ideo ad hæredes vel successores transit, uti est exceptio rei judicatae, doli mali &c. alia *Personalis*, quæ competit præcisè intuitu personæ, & ideo ad hæredes vel successores non transit, uti exceptio competentiæ, qualem habent Clerici, parentes erga liberos &c. Præcipua autem divisio exceptiōnum est in Dilatorias & Peremptorias: *Dilatoria* seu *Temporales* sunt, quæ jus aut actionem vel intentionem non excludunt penitus, sed solùm differunt vel suspendunt ad tempus, aut transferunt in aliud locum: hæ vel respiciunt personam Judicis, v. g. quod sit incompetens, suspectus, inimicus Rei &c. vel personam Actoris, v. g. quod sit pupillus, excommunicatus, vel aliunde non habeat personam legitimam standi in Judicio: vel personam accessoriam, puta procuratoris, v. g. quod procurator esse non possit, mandatō, saltem legitimō, caret &c. quod testis non sit habilis &c. vel locum Judicii, quod non sit satius tutus &c. vel tempus, v. g. quod sit ferientum, quod conventa solutionis dies nondum advenerit &c. vel ipsam denique causam,

qua-

qualis est exceptio inepti vel obscuri libelli &c.  
Peremptoria seu Perpetua sunt, quæ jus & actionem  
Actoris, vel quod intendit, perimunt ac om-  
nino tollunt, qui nempe vel ostendunt actionem  
nunquam ortam esse, v. g. contractum non esse  
celebratum, vel eam aliunde jam extinctam esse,  
v. g. pacto de non petendo, præscriptione &c.  
Et ex his aliquæ vocantur litis finitæ, uti exceptio  
rei judicatæ, transactionis, & juramenti, scilicet  
litis decisorii: vel denique ostendunt, actionem  
elidi & perimi posse, uti sunt exceptiones doli,  
metus, erroris &c.

Dico 1. Potest aliquis opponere plures exce- 3  
ptiones vel simul vel successivæ, licet sint diver-  
sa. l. 5. l. 8. ff. l. 8. l. 9. C. b. t. l. 43. ff. de R. f. c.  
15. de Præscript. Lex 8. ff. cit. sic habet: *nemo*  
*prohibetur pluribus exceptionibus uti, quamvis di-*  
*versæ sint.* Sed contra Objic. 1. In Recessu Im-  
periū de anno 1654. §. Es soll auch hinfürō  
jubetur, omnes exceptiones simul proponi ad ab-  
breviandas lites: ergo non possunt proponi suc-  
cessivæ. Idem in quibusdam locis exigit consue-  
tudo, nisi nempe postmodum novæ exceptiones  
emergant. 2. Si possunt exceptiones diversæ  
proponi, poterunt etiam contrariæ, ut si Reus  
diceret: *Cajus mihi non dedit mutuum, & ego*  
*jam solvi:* sed hoc repugnat: ergo. R. ad 1.  
Standum quidem est consuetudini, & Juri recen-  
tiori, ubi receptum est: nostra assertio procedit de  
Jure Scripto antiquiori. Ad 2. N. ma. vel dist. min.  
sed hoc repugnat, si tales exceptiones opponan-  
tur conjunctivè per particulam & C. min. si dis-  
junctivè per particulam vel, dicendo: *Cajus*  
*mihi*

*mibi non dedit mutuum, vel, si dedit, jam solvi. N. min.*

4 Dico 2. Reus excipiendo fit Actor secundum quid, ita ut exceptionem probare debeat. 2. Si tamen in probatione deficiat, non hoc ipso censendus est fateri intentionem Actoris. Pars 1. constat ex *l. 1. ff. h. t.* Pars 2. ex *c. 63. de R. 4. in 6.* & ex ratione, quod excipiendo velit se fateri contra intentionem Actoris: ergo non est censendus velle illam confiteri pure excipiendo, *v.g.* per verbum *solvi*; cum possit tamen habere adhuc verum sensum, nempe conditionatum, *si C. jus mihi mutuum dedit, ego certò solvi:* quo pateretur, *mutuum non fatetur: consequenter non relevat Cajum ab onere illud probandi: aliud foret, si ipsum factum, in quo se fundat Actor, fateretur, dicendo v. g. accepi mutuum à Cajo, sed ego jam solvi.* Unde consultum est conditionate vel disjunctivè exceptionem formare: *non memini, mihi mutuum esse datum: si tamen datum sit, jam solvi.* Vid. de hac re plura in meis *Decisionibus. decis. 62.*

5 Dico 3. Exceptiones dilatorias regulariter oportet opponere ante litis contestationem, profertim fori declinatorias, & quæ spectant personam Judicis, tanquam incompetentis, vel suspecti. Ita plerique omnes ex *c. 20. de sent. & re jud. c. 62. de Appellat. c. 4.* & *l. penult. ac ult. C. h. t.* Dixi *I. regulariter*, nisi nimirum primum ex nova causa oriatur post litis contestationem, uti quæ opponuntur testibus aut instrumentis: vel nisi Reus juramentò fidem faciat, sibi eas primum postea innotuisse, vel priùs à se probari non potuisse: vel

*nisi*

nisi tales sint, quæ retro acta & Processum irriterent, uti excommunicatio Actoris, incapacitas jurisdictionis in Judice, falsum Procuratoris mandatum: vel nisi quis aliquam exceptionem dilatariam expressè nominatam sibi reservaverit proponendam post litis contestationem. c. 4. cit. Duxi 2. præsertim fori declinatorias &c. aliàs enim Reus censetur consensisse in Judicem, si coram ipso vel unicum actum Judiciale gessit, eique jurisdictionem in se prorogâsse, ita ut recedere negqueat amplius, modò Judex jurisdictionis in tali causa & in Reum sit capax.

Dico 4. Exceptiones peremptorias regulariter oportet proponere post litis contestationem, ita ut, licet ante proponi possint, litis tamen contestatio procedat, discussione exceptionis dilatâ, usquedum constiterit de jure Actoris per probations; quæ si non sufficerint, Reus est absolvendus, quin onus probandi exceptionem habuerit. 2. regulariter tamen ante sententiam definitivam. Pars I. liquet ex c. 1. 2. de lit. contest. in 6. l. 8. l. 9. C. b. t. Pars 2. ex l. 2. C. sentent. rescind. non posse. Duxi in utraque parte regulariter; nam ante litis contestationem opponi possunt & admitti illæ exceptiones peremptoriæ, quæ in continenti probari possunt, vel evidenter statim patent, & sic Actoris calumniam manifestam faciunt; quales maximè sunt, quæ vocantur *litis finitæ*, uti *rei judicatae*, *jurisjurandi* (tam Judicialis quam Necessarii) & *transactionis*. c. 1. cit. ne nimis utiliter introducatur, & nec Judex nec altera Pars frusta fatigetur. Post sententiam vero proponi adhuc possunt I. exceptiones nullitatis,

seu

## 510 LIB. II. TITULUS XXV.

seu quæ sententiam retro nullam faciunt; que tamen executionem sententiæ non impediunt, modo viator cautionem præstet de restituendis omnibus, si exceptio probetur. per Clem. 1. de sen. & re jud. & Auth. quæ supplicatio. C. de precib. Imperat. offer. 2. exceptiones primum post emergentes, vel cognitæ. arg. l. 1. C. de Re jud. 3. exceptiones, quæ respiciunt executionem, ut exceptio compensationis, competentiæ, S. C. Vellejani, S. C. Macedoniani, solutionis jam factæ transactionis, rei jam traditæ, non numeratae pecuniae, vel si executor excedat modum, malè interpretetur sententiam, careat potestate exequendi; hæ enim executionem impediunt.

7 Dico 5. Quamvis exceptiones peremptoriæ in prima instantia omissæ proponi possint in secunda instantia juxta communem cum gl. in c. 20. de sent. & re jud. in fin. juxta illud axioma: non allegatum, non probatum in prima instantia, allegari & probari potest in appellatorio Judicio, seu in seconde instantia. l. 6. §. 1. C. de appellat. Id men non procedit de exceptionibus dilatoriis in prima instantia omissis. l. 13. C. de Procurat. Ratio disparitatis est, quod dilatoriis (intelligi illas, quas ante litis contestationem diximus opponendas esse) per litis contestationem, quæ est tempus ipsis præfixum, censeatur esse renuntiatum, non verò peremptoriis, utpote quæ post litis contestationem regulariter proponendæ sunt usque ad sententiam definitivam & ultimam; nam litis contestatio in prima instantia extenditur ad secundum quoque. Allegatum axioma procedit de allegationibus & probationibus Acto-

ris,

nis, vel, si ad exceptiones extendatur, solum  
de Peremptoriis.

## TITULUS XXVI.

### De Præscriptionibus.

#### SUMMARIUM.

1. *Præscriptio & Usucapio confunduntur.*
2. *Quid sit Præscriptio:*
3. *Positiva & Privativa, Ordinaria & Extraordi-  
naria.*
4. *Ob quas causas introducta sit.*
5. *Et quo Jure, Gentium an Civili.*
6. *Quis sit ejus effectus.*
7. *An procedat etiam in foro interno.*
8. *Quis præscribere possit, & contra quem præscribi.*
9. *Quid sit bona fides ad Præscriptionem neces-  
saria: non stat cum dubio practico: quomo-  
do hoc deponendum.*
10. *Quid & quotuplex sit titulus ad præscriptio-  
nem necessarius.*
11. *Quid & quotuplex sit Possessio, ad Præscri-  
ptionem necessaria.*
12. *Quotuplex sit Tempus ad Præscriptionem ne-  
cessarium. Et quomodo probetur Immemo-  
riale.*
13. *Quænam res aptæ sint præscribi. Ubi de  
Servitutibus.*
14. *Sine bona fide non currit vel incipit illa Præ-  
scriptio.*
15. *An bona fidei oblitus ignorantia;*